







~~14, 884.~~

Uf. 6734.



Uf 6734 (P1-5)







D. D.  
DISSERTATIO HISTORICA  
DE  
**HOLMGARDIA,**

Cujus  
PARTEM TERTIAM,  
CONSENTIENTE AMPLISSIMO SENATU PHILOS.  
IN REGIA ACADEMIA ABOËNSI,  
PUBLICO EXAMINI SUBJICIUNT

**JOHANNES  
BILMARK,**

FACULT. PHIL. ADJUNCTUS,  
ET

**JONAS STRENG,**  
NYLANDUS,

DIE V. DECEMBRIS ANNI MDCCLIX.

L. H. Q. A. M. C.

\*\*\*\*\*  
ABOË, Impressit DIRECT. & TYPOGR. Reg. Magn. Duc.  
Finland. JACOB MERCKELL.

*[Handwritten signature]*



S:Æ R:Æ M:TIS  
SUMMÆ FIDEI VIRO,  
ILLUSTRISSIMO atq; EXCELLENTISSIMO  
HEROI ac LIBERO BARONI,  
**D<sup>N</sup>. CAROLO  
LAGERBERG,**  
REGIS Regnique Svio. Gothici SENATORI,  
nec non  
Regiorum Ordinum EQUITI ac COM-  
MENDATORI,

MÆCENATI SUMMO.

**R**espiciens nuper sedes Astræa relictas,  
In terris cernit jusque piumque coli;

Ut

Ut quæque construerent iterum sibi templa Triones;  
Visa Deum grandi res ea mira choro.  
Mittitur ad gelidas igitur Cyllenius oras,  
Quærat ut, ista salus reddita ejus ope?  
Est HEROS, reculit, Svecis qui hæc commoda præstat,  
Quod Themis optavit, jam Sua cura facit.  
Nempe ut Laurigero nomen de Monte recepit,  
Hoc Duce, sic lauros nunc gerit alma fides.  
Jamque probæ sua jura tenent, Hoc Vindice, leges,  
Debitus & recto constat ubique decor.  
Cedat Aristides, cedat prudensque Lycurgus,  
Jus & fas ab Eo discat & ipse Solon.  
Dixerat. Adplausit Divum mox integer ordo;  
Fassus at hæc meritis inferiora Suis,  
Nosceris his, TE, CELSE HEROS, suffragia Divum  
Tangunt; TE civis quilibet ergo colit.  
Castalides etiam celebrant TUA facta togata,  
Queis, instar Phœbi, sponte favere soles.  
Præstita quid memorem reliquis? Collata recordans  
In memet, flumen torpida vena negat.  
Suscipias autem pietatis debita thura,  
Aris imponit quæ mea Musa Tuis.  
Admittas facilis venientia robora Martis,  
Quamvis illorum quid trucis ora gerant.  
Dispellat

1043310



Dispellat tenebras, det eis TUA gratia lucem  
Antiquam, mecum sic pia vota ferent:  
Lauriger ut patrium Mons qui nunc sustinet orbem  
Perpetuo viridi fronde serenus ovet!

ILLUSTRISSIMÆ EXCELLENTIÆ TUÆ

devotissimus cliens,  
JOHANNES BILMARK.

*Nobilissimo atque Consultissimo VIRO,*

D<sup>NO</sup>. NICOLAO  
LOSTJERNA,

*Judici Territoriali Aequissimo,*

PATRONO MAGNO.

Singularem, qua TE prosequor, animi veneratio-  
nem publice ostensurus, Exercitium hoc Acade-  
micum TUO inscribere nomini haud dubitavi. Plu-  
ra enim TUA, Vir Nobilissime, in me exstiterē fa-  
voris documenta, quam ut eadem recensere, nedum  
celebrare queam. His cumuli instar accessit, quod  
curam carissimorum pignorum per biennium fere  
mihi demandaveris. In pignus igitur grati animi  
munusculum hoc TIBI offero, quod ut serena exci-  
pias fronte, enixe oro atque contendo. De cetero  
DEum O M. calidissimis fatigabo precibus, velit  
TE quam diutissime incolumem sospitemque servare,  
in justitiæ fulcrum & familiæ TUÆ decus exoptatissi-  
mum. Sic vovet semperque vouebit

NOBILISSIMI NOMINIS TUI

cliens humillimus  
JONAS STRENG.



Plurimum Reverendo atque Præclarissimo VIRO,  
**Dno. JACOBO SIEVONIO,**  
Pastori Ecclesiæ, quæ DEO in Karis, Svartö & Snap-  
pertuna colligitur, Meritissimo, Fautori quavis  
veneratione ætatem prosequendo.

**Q**uanta ipse flagrasti cupiditate scientias addiscen-  
di pulcherrimas, tanto etiam earum cultores  
semper complexus es amore. Hunc benevolum ad-  
fectum ego, si quis alius, expertus sum. Cunas enim  
vix prius reliqueram, quam studiorum meorum  
svasorem & temporis successu moderatorem in TE  
venerari mihi licuit. Et ut eo facilius progressus in  
litteris facerem, præter varia ad virtutem incitamen-  
ta, libros, fini obtinendo inservientes, quorum co-  
piam mihi facere Paterna domus non potuit, luben-  
ter concessisti. Plura alia beneficia, quæ singula enu-  
merare & prolixum foret, & vires longe superaret  
meas, silentio præterire & tacita veneratione profe-  
qui cogor. Cum itaque, Vir Plurimum Reverende,  
quod remunerationis loco TIBI offeram, aptius nihil  
habeam, quam commentationem hanc Academicam,  
eam, licet alieno Marte elaboratam, mea tamen qua-  
licunque opera defendendam, in grati animi resse-  
ram & perenne venerationis signum tibi dicatam esse  
volui. Server TE Supremum Numen omnigena  
felicitate mactatum, ut ad ultimos immortalitatis termi-  
nos perungere possis, in Ecclesiæ emolumentum, fa-  
miliæ TUÆ fulcrum gaudiumque exoptatissimum.  
Ero, dum vixero

NOMINIS TUI

humillimus cultor  
JONAS STRENG.



I. N. J.

§. XXX.



Obilissimas Holmgardiæ civitates  
barbarorum expugnationibus at-  
que temporum injuriis omnes val-  
de conquassatas, nonnullas etiam  
funditus deletas fuisse, vidimus  
nuper atque horruimus. Nemo  
igitur dubitat, quin multa simul monumenta, quæ  
ad enucleandam Regum Holmgardicorum histo-  
riam pertinent, tristibus his ruinis involuta, non  
sine gravi reipublicæ litterariæ jactura, perierint.  
Profecto rara admodum vestigia rerum ab his  
Principibus gestarum, quæ in vetustis occurrunt  
annalibus, satis ostendunt superque, quod pauci  
horum famæ immortalitatem, quam sibi merito  
promiserant, sint consecuti. Difficilis igitur, sed  
speciosus tamen censendus est labor, nebulas col-  
lapsis horum Principum mausoleis a multis retro  
seculis incumbentes dissipare, factisque ipsorum, si  
pristinum nitorem conciliare non valeamus, cre-  
peram



peram tamen accendere lucem. Hoc certe postulat instituti nostri ratio; quare seriem Regum Holmgardicorum nunc exhibemus, non quidem continuam, qualem turbulenta, quibus hi vixerunt, tempora non permittunt, sed interruptam, a genuina tamen, ut speramus, haud multum alienam. Nulli autem ambigimus, quin hæc non solum plenius illustrari ac confirmari, sed etiam concinna magis reddi potuisset, si majori documentorum suppellectili uti licuisset; qua destituti lacunas explendas aliorum industriæ relinquimus; satis habentes, si Magnorum Virorum (a) vestigia premere, atque præclaros ipsorum conatus integrare & aliquantum promovere valeamus.

(a) Promiserat quidem acutissimus noster Polyhistor OL. RUDBECKIUS in *Atlant. Tom. I. p. m. 518*, se ex Sveonibus stirpem Magnorum Moschovæ Ducum fore deducturum; quod tamen egregium propositum vel graviores curæ in provecta ætate, vel etiam obitus Ejus, humanioribus præsertim Musis valde luctuosus, inhibuerunt. Qui idem propositum postea urserit, hætenus invenimus neminem. Etenim ne quidem Nob. PERINGSKYÖLDIUS, cui plurimum alioquin debet Genealogia, Holmgardiæ Regum seriem contexere fuit conatus; sicut, schedis ejus sollicitè perlustratis, pro insigni, qua Antiquitatum cultores amplectitur, benevolentia, mihi nuper significavit Nobiliss. Cancellariæ Regiæ Consiliarius CAROLUS R. BERCH.

### §. XXXI.

PRIMUM totius Scandinaviæ nec non Holmgardiæ Regem fuisse FORNIOTHUM (Forna Othin)

thin) plerique existimant Historici. Hic pluribus ante Natum Christum seculis ad nostra adpulit littora, atque in *Kuenlandia*, provincia quadam veteris Holmgardiæ, aliquamdiu confedit (a). Brevi autem temporis spatio ita crevit numerus populorum, qui cum hoc Principe in boreales oras contendebant, ut ductu & auspicio filii ejus KARE versus meridiem demigrare cœperint; terram, quam occuparunt, ex Ducis nomine *Careliam* adpellantes (c). Hujus nepotum quidam Kuenlandiæ gubernacula per longam annorum seriem tranquille tenuerunt (d). Accrescente autem potentia, cum cognatis suis, Scandiæ & Norvegiæ Principibus, bella, non finium propagandorum, quorum ambitum ipsi vix novebant, sed gloriæ inprimis causa, subinde gesserunt (e). Hæc tamen bellorum tempestates, fortitudinem utriusque gentis, otio nimio torpentem, tantum acuebant; quare nec diutinæ admodum fuerunt, nec pristinam inter vicinas nationes amicitiam penitus turbaverunt. Quippe cum BERICHUS seu ERICUS Svethiæ Princeps longinquam suscepisset expeditionem, & trajecto Mari Baltico in Ulmerugiam seu Holmgardiam pervenisset, hujus cives societatem militiæ mox cum illo fecerunt; quo facto, multos orientis populos superatos sibi reddidit vestigiales (f). Fuisse insuper in Holmgardia Reges ante Othini II. adventum nec paucos nec ignobiles, extra dubitationis aleam est positum; quamvis neque nomina neque fata in annalibus, quorum nobis copia facta est, occurrant.

A 2

(a) Vid.



(a) Vid. *Origines Norvegiae* p. m. 1. (b) Ex hac prae-  
fata Kuenlandia, seu ex quodam Pantheo, incolae per me-  
ridionales Fenniae & Holmgardiae provincias sese tandem  
diffudisse in resolutione Problematis Historici, de *primis*  
*Fennonum sub Arcto sedibus*, quam responsionis loco exhibui-  
mus in solenni Promotionis Magisterialis actu An. 1754,  
pluribus ostendimus argumentis. (c) Conf. *BJOERNERI*  
*Schediasma de Paregia* p. m. 137. Videtur autem nomen  
*Carelia* satis amplum olim fuisse. Quemadmodum enim  
Fennones vocant Svecos *Ruotzalainen* ex vicina provincia  
*Roslaga*, vid. *Henric. BRENNERI Notas ad seriem Principum*  
*Iberiae & Georgiae* p. m. 87; ita Lappones etiamnum adpellant  
Ruthenos *Caretios*, ex adjacente *Carelia*. Distinctionem quippe  
faciunt inter conterraneos, qui parent *Wona konoges*, *Kar-*  
*jeli Konoges* & *Mayen Konoges*, h. e. Regi Danorum,  
Regi Russorum & Nostro Regi, vid. *HÖGSTROMS*  
*Beskrifning öfver Lappmarken* p. m. 243. (d) Vid.  
*Joh. PERINGSKJÖLDI Bibliiska Släkt. Register* p. m. 15. (e)  
Confr. cit. *Origines Norvegiae* p. m. 1. & 9. (f) Confr.  
*JORNANDIS lib. de Rebus Geticis Cap. 4.* nec non *SHÉ-*  
*LINGHAM de Origine Anglor.* p. m. 148 & 155.

§. XXXII.

**T**Ranquillitatem, qua post expeditionem Beri-  
chi in gelidis casis fruebantur Holmgardi,  
longo post tempore turbavit Norvegiae Rex, *HALF-*  
*DANUS*, *Ringi* filius, postea *Grandævus* adpella-  
tus. Classe enim comparata, littora Finlandiae,  
Livoniae & Holmgardiae populatus est, nec non  
*SIGTRYGGUM*, magni nominis in Holmgardia regu-  
lum, in singulare certamen a se provocatum, inter-  
fecit. His factis, in supremum Holmgardiae Regem (a)  
EYVIN-

**EYVINDUM** seu **EMUNDUM**, quem proximo an-  
te natum C. seculo vixisse verisimile est, exerci-  
tum duxit. At, visa Venere Holmgardica, Emundi  
filia, **ALFRIO** (b), cruentos conatus remisit Mavors  
hic Norvegicus, svavioribus vacaturus curis. Sci-  
licet bellum, quod inter hos principes exarserat,  
ea conditione fuit compositum, ut Halfdanus tho-  
ri sociam obtineret Emundi nominati filiam. In-  
avitum deinde imperium redux Norvegiae Rex, ex  
conjugis sua plures suscepit filios (c), rerum gesta-  
rum gloria adeo inclytos, ut horum nominibus,  
seu epithetis, ad indolem laudatissimorum Princi-  
pum exprimendam insequens usa sit ætas. Hujus  
pariter Emundi filiam, fuisse Principem Holmgar-  
dicam **RINDAM**, cujus nuptias ingenti studio am-  
bivit **OTHINUS II**, ex Asia in Gardariciam per-  
veniens (d), habita inprimis temporis ratione, exi-  
stimamus. Prothei hujus Scythici insidias variis  
quidem modis evitavit Regia virgo; ipse autem  
nefaria omnino ratione votorum tandem compos-  
factus, ex ipsa filium **BOUM**, quem parti Holm-  
gardiae postmodum praececit, suscepit (e). Atque  
ab isthoc tempore, ne longius regrediamur,  
repetendum est jus illud fiduciarium, quo  
Holmgardia per plura secula Regibus Upsalen-  
sibus deinceps fuit subiecta. Constat enim, **GYL-**  
**FONEM**, ultimum ex familia Forniothiana in Pa-  
tria Principem, præter Scandiam tenuisse etiam  
Kuenlandiam, nec non ipsum terrarum tractum,  
qui Novogardia dicitur (f).



(a) Hoc loco observasse juvat, quod ut alibi, ita etiam in Holmgardia plures fuerint Reges provinciales, qui Regi Aldejoburgensi, ut præstantissimo, omnes paruerunt; hic autem Regis Upsaliensis imperium in multis agnovit. (b) Vid. *Origines Nor. p. m. 9.* nec non *Thormodi TORFÆI Historia Norvegica Part. I. p. m. 173.* Princeps hæc interdum dicitur *ALMWEIGIS*, atque in Codice Flateyensi *ALFNIA*. (c) Octodecim admodum filiorum mater fuisse perhibetur, quorum nomina recenset *TORFÆUS libr. cit. p. m. 173 & 174.* Hujus Halfdani nepos *SIGGÆ*, Hunnalandiæ, partis Holmgardiæ, Rex factus est, ejusque posterii idem imperium aliquamdiu tenuerunt, vid. *PERINGSKJÖLDI Ättart. p. m. 88.* (d) Othini hujus sive imperium sive transitum per Holmgardicas provincias nominibus suis reficant tam plurima Estoniæ loca, ut *Odens holmia*, insula prope Daghoam, atque regio & civitas *Odenpoa* seu *Odenboa*, quam prædium *Æzaren* in Curlandia, de quo vide *VILDÏ Observationes ad Histor. Svec. Puffendorffii p. m. 72.* (e) Confr. *SAXONIS GRAMMATICI Histor. Dan. p. m. 44, 45, 46,* Cui addas *OERNHJELMI Histor. Svec. Goth. Ecclesiast. Libr. I. Cap. 17: 8.* (f) Vid. *PERINGSKJÖLDI libr. cit. p. m. 65.*

§. XXXIII.

Postquam Othinus in societatem imperii a Gylfone fuerat admissus, brevi temporis spatio sua calliditate & prudentia rem eo perduxit, ut non solum Rex totius Svethiæ, verum etiam prioris Regis Dominus fieret. Prævidit autem, se vestitum hoc imperium ægerrime tuiturum, nisi pristinæ dominationis saltem species quædam remaneret. Quamobrem filiis suis, quibus remotissimas

terras

terras regendas concessit, injunxit, ut filias Gylfonis in matrimonium ducerent. Horum in numero fuit *SIGURLAMUS*, vel, ut ab aliis nuncupatur, *ODDLAMUS* (a), quem ex *FREJA*, Fiorquini gigantis filia suscepit Othinus (b). Ille, adsumpta thori socia *HEIDE* (c), Gylfonis filia, magnam Holmgardiæ partem dotis loco est nactus, *Boo* reliquas provincias tenente (d). Circa hoc ferme tempus Danorum Rex *HADINGUS*, *Grami* filius, instructa classe & in societatem expeditionis adsumto pirata *Lifero*, *LOKERUM*, Curlandiæ Ducem, bello quidem est aggressus, sed fortiter adeo exceptus, ut, prælio commisso, ex acie saucius recesserit (e). Reliquiis deinde copiarum *HANDUANUM*, Holmgardiæ regulum, prope urbem Dunam tanto successu læcessivit, ut ipsum superaverit; capto autem permisit ingenti auri pondere vitam redimere (f). Dum hæc a Danis geruntur, Sigurlamus bello cum robustissimo viro *Thjassio* distinetur; a quo tandem victus fuit & occisus (g). Vacuum Holmgardiæ solum conscendit *SVAFURLAMUS*, quem ex conjugē Heide sustulerat Sigurlamus. Ipse habuit gladium, *Tirfing* dictum, prodigiosis veterum narrationibus perquam celebrem; quo Thiasium, in singulare certamen provocatum, interfecit, patris eadem sic mascule ultus. Deinde *FRIDURAM*, Thiasii filiam, in matrimonium sumsit, cum qua filiam *EIVORAM* genuit (h). At lubricas fortunæ vices paulo post expertus fuit modo memoratus Princeps. Ipsi enim bellum intulit



tulit *ANDGRIMUS*, Heros Bolmoënsis, atque post longum & anceps certamen, arrepto illius gladio, eum transfodit. Tandem bona & arma ejus diripuit, nec non Eivoram, domum secum abductam, uxorem duxit, ex qua duodecim filios procreavit (i). Horum autem nemo ad gubernacula regni Holmgardici pervenit.

(a) Vid. *PERINGSKJÖLDI Ättar.* p. m. 65. (b) Vid. *Genealogiam Regum Suethecorum ab Illustriss. Heroe & Regni Senatore BONDE confectam & pramissam libro BJOERNERI*, qui inscribitur *Nordiska Kämpa dater.* (c) Ab hac principe nomen suum accepisse videntur cum varia Patriæ loca, cum inprimis antiquissima Norvegiæ præfectura, *Hedmarkia.* (d) *Sigurlamum & Bous* eundem omnino Principem, diversis solummodo nominibus a variis auctoribus insignitum fuisse, existimat *VILDE in libr. cit. p. m. 72.* Enimvero cum constet, partim quod *Sigurlamus* ante Othini adventum in Septentrionem fuerit prognatus, Bous autem in transitu per Holmgardiam susceptus, partim quod diversa utrique filio nominetur mater, partim de-  
 suque quod aliam atque aliam progeniem uterque reliquerit; nostro quidem judicio satis colligi potest, hos Principes non esse confundendos. (e) Vid. *Job. MEURSI Histor. Dan. libr. 1. p. m. 4.* (f) Contr. *SAXON. GRAM. Histor. libr. 1. p. m. 12.* (g) Vid. *Hervar. Histor. Cap. 11. p. m. 37.* (h) Vid. *cit. Hervar. Hist. p. m. 38.* Obiter monemus, quod quicquid memorata Historia a *Cl. VERELIO* edita de *Susurlamo* referat, idem prorsus de ejus patre *Sigurlamo* prædicet exemplar Regium, quod in Dania servatur, sicut testatur *TORÆUS libr. cit. p. m. 420.* (i) Vid. *Hervar. Histor. p. m. 46.* Dissidentem a nobis *Saxonem* in præsen-

præsenti negotio vide a *Verelio* solide refutatum in *Hujus Notis ad Hervar. Histor. p. m. 49.*

#### §. XXXIV.

**A**mbitiosis Othini moliminibus aliquamdiu restiterunt Dani, qui filium ejus Balderum, in has oras venientem, interfecerunt. Tantam injuriam ulturus Othinus, tam ex aliis terris, quam ex Holmgardia numerosa mox contraxit auxilia. Cohortes has Holmgardicas ipse duxit Bous (a), quibus instructus vindictam persequitur Othinus, donec filium ejus Skjoldum Regem eligerent Dani. Præter hanc autem expeditionem nullum hujus Holmgardiæ Regis in re militari invenimus illustre factum (b). Nobis tantum constat, quod ipsi in imperium successerit filius *HERNITHUS* seu *HARVITHUS* (c), Princeps bellicis artibus perquam deditus. Hic ægre admodum tulit amplissimam Regum Suethecorum potentiam, nec non imperium, quod in orientales exercebant terras; quamobrem comparato exercitu Archiflamen ac Regem Upsaliensem *NJORDUM*, nihil hostile metuentem, in ipsis regni penetralibus adeo fortiter est aggressus, ut ipsum regno pepulerit, atque filium suum, etiam *HARVITHUM* adpellatum, in expulsi Regis locum suffecerit. Verum fortuna, quæ Regi Holmgardico impense nuper favebat, personam ipsius, non autem auspicia sequebatur; quare etiam scena in Syethia paulo post fuit mutata. Ut enim *Njor-*  
 B dus



duſ & reditum Harvithi in Gardariciam & propenſam Sveonum in ſe voluntatem cognoviſſet, in Patriam reverſus avitum recuperavit imperium, de ſolio primum dejecto, mox interfecto filio Harvitho (*d*). Interea vero, dum opes Holmgardorum in Svethia ſenescunt, priorem Harvithum (*e*) in diverſiſſimas Europæ provincias bellicus abripuerat ardor; ubi felicibus armis partem Græciæ & Hungariæ (*f*), eandemque haud exiguam, ſubjectam ſibi reddidit vectigalem (*g*). Poſt tot proſperas expeditiones pauliſper quievit, donec fama haud dubia cognovit, *WILKINUM* (*b*), Svethiæ Principem, pari ſucceſſu Poloniam, multasque inſuper Europæ provincias in ſuam redegiſſe poteſtatem. Illuſtrem adeo æmulum non tulit Harvithus; probe videns, incendium hoc tam propinquum tamque magnum, niſi ſibi præcaveret, ipſa regni vitalia brevi fore correpturum. Collectis igitur copiis, cum fratre *HILDERO* prior Wilkinum aggreditur; ſed infelici adeo Marte, ut, ingenti clade accepta, in Holmgardiam confugere fuerit coactus. Fugientem magno ardore inſequitur Svethiæ Princeps, validiſſimas Holmgardiæ civitates tam australes, quam boreales expugnat, ipſumque Harvithum, qui recentes interea phalanges collegerat, denuo proſligat; quibus geſtis, inſignem auri & argenti nec non veſtium pretioſiſſimarum copiam obtinuit. Tandem vero bellum his conditionibus fuit compoſitum, ut regnum Holmgardiæ integrum quidem obtineret Harvithus, ſed annua

nuâ Regi Svethiæ penderet tributa. Fidem autem Wilkino datam filio ejusdem præſtare noluit Rex Holmgardiæ. Cognita proinde Wilkini morte, exercitum ex toto regno iterum comparavit, quo jugum ſibi impoſitum feliciter excuſſit (*i*). Huic autem victoriæ ipſum non diu ſuperſtitem eſſe fata voluerunt; quare imperium Holmgardicum jure hereditatis ad filium *WALDEMARUM* fuit devolutum, qui acceptam a majoribus gloriâ propriæ virtutis ſpeciminibus valde auxit. Ut enim Patrem male habuit creſcens Wilkini fama; ita ipſe ingentem *ATTILÆ* (*k*), Principis cujuſdam Hunnorum, gloriâ ſine fortitudinis experimento ferre non potuit. Hunnalandiam igitur inſtructis cohortibus invadens, phalanges ſibi obvias proſternit, atque plurimos vicos ſpoliat; verum ſupervenienti Hunnorum multitudini, præliis fatigatus, cedere paulo poſt fuit coactus. Attilam inſequentem ac injuriarum ſibi ab Holmgardis illatarum pœnas crudeliter exigentem fortiter quidem repulit, adeo ut infectis rebus domum aliquoties redierit; tandem vero Waldemarus ab Hunnis, qui potentiſſimos ſibi conciliaverant ſocios, poſt magnam hoſtium cladem editam, inter confertiſſimos horum cuneos acerrime pugnans, victus occubuit (*l*).

(*a*) Vid. *PUFFENDORFII* *introduc.* ad *Hiſtor. Suecan.* Cap. 3. (*b*) Narrat quidem *Alb. KRANTZIUS* in *libr. 1. de Svethia p. m. 216*, Boum cum Hothero, Svethiæ Principe, de quo mox plura, bellum geſſiſſe, victoriâque repor-



taſſe; ſed quòd vulneribus adeo fuerit conſoſſus, ut ſub-  
 jectis clypeis in caſtra elatus, animam brevi poſt exhala-  
 verit. Vix autem concedi poteſt, Boum proveſtam adeo  
 attigſſe ſenectutem. (c) Nomen hoc omnino eſt Gothicum,  
 deſcendens ab *Har* excelſo & *vit*, *vet* ſapientia, vid. *Jac.*  
*VILDI Præparat. Hodeget. §. 86. not. 3. p. m. 314, 315.*  
 (d) Confr. *ERICI Upſalienſis Hiſtor. Svecan. p. m. 14; MÉS-*  
*SENII Scondia illuſtr. Tom. I. p. m. 7. nec non PERELII No-*  
*tas ad Epistol. Defenſor. Job. SCHÆFFERI &c. p. m. 7.* Plu-  
 ra hic cumulamus Auctorum teſtimonia; quoniam exami-  
 nare non vacat ſententiam Nob. *VILDI*, expeditionem  
 Harvithi contra Svecos tempore Njordi ſuſceptam in  
 dubium vocantis, Vid. *Ejuſd. obſervat. ad Hiſt. Svec. Puſ-*  
*ſend. p. m. 112. & 113.* Inſuper obſervamus, quod  
*SCHOETTIGENIUS in Diſſert. de Originibus Ruſſorum Sect. V.*  
*p. m. 13,* Harvithum Othini filium faciat; at quo jure  
 diſpiciant alii. (e) Tantum veterum Hiſtoricorum ſcriptis  
 tribuimus, quanti ſeniores ſuos vix fecerunt Lacedæmonii,  
 antiquitatis certe maximi æſtimatores. Non equidem igno-  
 ramus, fabularum ac hyperbolarum nebulas ſubinde in illis  
 occurrere; hæ tamen, debito ingenii acumine adhibito,  
 facile diſſipantur. Præterea autem in ſcriptis ipſorum at-  
 que rerum geſtarum expoſitionibus ſimplicitatem & cando-  
 rem animadvertimus, canitiæ illorum temporum omnino  
 dignam. Hinc etiam conſuevi, omnia prius ad vivum  
 reſecare, & ſingula in mitiorem potius partem interpretari,  
 quam quidpiam, ceu conſectum, temere exploderem. Aſt  
 ingenuè fateor, quod Auctor antiquæ *Vilkinenſium Hiſtoria*, a  
 Nob. *PERINGSKJÖLDO* editæ, ſæpe adeo lapſus videatur,  
 ut omnes circumſtantias rite conciliare plus quam Hercu-  
 leum cenſendum ſit opus. Laudandus profeſto, quod ma-  
 gnæ rerum memoria digniſſimarum copiam nobis conſer-  
 vaverit, & ampliſſimorum virorum fortia facinora Gothi-

ca expoſuerit gravitate; vix autem excuſandus, quod ſa-  
 cta Heroum diſparis admodum ætatis conjungat & invicem  
 quaſi compliceſ. Haud opus eſt, ut exempla a propoſi-  
 to aliena adſeramus; ipſe Harvithus, qui vivus Sveciæ  
 magnas, mortuus haud exiguas nobis creavit moleſtias.  
 Vita enim hujus in memorata Hiſtoria connectitur partim  
 cum ætate magni *Attilæ*, qui ſeculo V. inprimis floruit,  
 partim etiam cum imperio *THEODERICI Barnenſis*, qui ſecu-  
 lo VIII. vixit; quare vehementer dubitavi, an hic Harvi-  
 thus fuerit Boi filius, vel alius Holmgardiæ regulus ejus-  
 dem nominis. Ut vero animadverti, quod hic Holmgardiæ Prin-  
 ceſs illo tempore vixerit, quo Svethiæ præſuit Njordus, &  
 quod hunc prælio ſuperaverit, vid. *Hiſtor. Vilkinenſ. p. m.*  
*36 & 116.* ſicut alia noſtra habent monumenta, hoc tandem  
 ſcrupulo fui liberatus. Denique re ſerio perpenſa intellexi,  
 narrationem rerum a nominatis principibus geſtarum eſſe ſatis  
 ſinceram; horum autem expeditiones conjungi, non tam propter  
 æqualem ætatem, quam potius propter partem maſculorum  
 facinorum celebritatem. Tandem non me ſolum, ſed acu-  
 tiſſimum etiam *BAYERUM* memorata Hiſtoria ſuſpenſum de-  
 tinuit, ut ex *Aët. Petropol. Tom. IV.* nuper cognovi. (f)  
 Quamvis in *Vilkinenſ. Hiſtor. loc. cit.* Græcia & Hunga-  
 ria conjungantur, non tamen propterea eſt exiſtimandum,  
 terras vicinas heic indigitari, aut per *Hungariam* celebrem  
 Pannoniæ partem ſignificari. Hungaros enim illos quon-  
 dam adpellatos *Jurhor* & *Ugroſ*, atque Holmgardiæ noſtræ  
 conterminos fuiſſe, ſuffragiis multorum Hiſtoricorum con-  
 ſtat; qui tamen, veras ipſorum ſedes deſinituri, in diverſas  
 admodum ſententias abeunt. Enimvero cum in parte Mo-  
 ſchoviæ maxime ſeptentrionali occurrat provincia *Juhoria*  
 vel *Juguria*, vid. *HERBERSTEINI libr. de Reb. Moſchovit.*  
 perquam probabile eſt, *Hungaros* in hac terra iſta tempeſta-  
 te ſedes habuiſſe. Quod vero hodierni *Hungari* non ſint



Intelligendi, vel inde constat, quod hoc ipsorum nomen ante secul. IX. apud Historicos vix inveniatur. Quid? Quod ipsi fateantur Hungari, suam nationem a modo memorata *Juboria* suos repetere natales, confr. *Henr. BRENNERI Epist. ad Rev. Doct. E. BENZELIUM p. m. 108. (g).* Vid. *Histor. Vilkinens. p. m. 114. (b)* Hic idem esse videtur cum *FILMERO*, *Ingvari Freji* filio, qui in Holmgardia multas res fortiter gessit, vid. cit. *VERELII Epist. p. m. 7. (i)* Confr. *Histor. Vilkin. p. m. 114 --- 118.* Hujus Harvithi Genealogiam vid. in *Tab. III.* memoratae Historiae annexa. *(k)* Ita Princeps hic in dicta Historia nominatur; quisnam vero in serie Regum Hunnicorum fuerit, non determino, ipsum solummodo Magno Attila fuisse anteriorem observo. *(l)* Vid. *Histor. Vilk. p. m. 372, 373, 391, 397.*

§ XXXV.

Multos quondam in Holmgardia fuisse regulos, qui Regibus paruerint Aldejoburgensibus, haud ita pridem observavimus. Hi autem tantas comparare potuerunt copias, quantis vel finitimas gentes bello laceffere vel invadentium hostium impetum soli possent sustinere. Inter hos celebratur *DORNO*, Curetum Princeps, quem, interea dum Harvithus atque ejus filius variis inclarescunt expeditionibus, bello aggressus est Daniæ Rex *FROTHO I.* dolisque circumventum superavit *(a)*. Tam prosperis armorum initiis incitatus, *TRANNONEM* quoque, Regem Holmgardiæ, opibus plurimum valentem, terra marique impugnavit. Cum autem diffideret, se ingentem Trannonis classem aperto Marte expugnare posse, urinatorum more, paucis

cis militum stipatus, naves hostium sub aquis perterebratas, omnes submersit; quibus factis, Holmgardiæ partem in suam redegit potestatem, victorque in Daniam remeavit *(b)*. Interjecto tempore, cum populi orientales annua tributa absenti pendere detrectassent, legatosque, quos exigendi vetigalis causa huc miserat, nefario modo peremissent, duplici hac injuria motus Rex Daniæ, rebelles severe persequitur, atque Rotalam, inclitam Holmgardiæ urbem, arctissima obsidione cinctam, expugnat. Post hæc ad oppidum Peltiscam exercitum ducit, eamque novo stratagemate, ut vasserrimum ipsi fuit ingenium, subvertit, nec non Regem *VESPASIVM* occidit *(c)*. Tandem Frotho, Holmgardicorum copiis in auxilium vocatis, Svehthiam invasit, facilem sibi promittens victoriam, quod Princeps *REGNERUS* tum abesset. Verum Regina & soror ejus *Swanbwita*, femina Amazonico turgens spiritu, contracto exercitu adeo fortiter eum excepit, ut victus captusque fuerit, sed propter necessitudinis vinculum dimissus *(d)*.

*(a)* Vid. *Alb. KRANTZII Histor. Dan. Libr. I. p. 8.* *(b)* Vid. *SAXON. GRAM. Libr. II. p. m. 21 & 22,* nec non *PONTANI Histor. Dan. Libr. I. p. m. 16.* *(c)* Confr. *MEDRSII libr. cit. p. m. 6;* cui addas *E. PONTIOPPIDANI libr. de Rebus gestis Danorum extra Patriam Tom. III. p. m. 337, 338.* *(d)* Vid. *PUFFENDORFII Histor. cit. Cap. IV. §. XI.*

§ XXXVI.

MAsculam Sigurlami prolem in Svafurlamo deficientem



ficientem nuper vidimus. Huic proinde stirpi natales suos non debet *YNGVARUS*, qui vel simul cum Waldemaro I. vel paulo post eum imperium tenuit Holmgardicum. An vero ipse ex Harvithi liberis fuerit, nondum satis exploratum habemus. Constat autem, quod Princeps hic illo tempore vixerit, quo *YNGVE FRET* ad gubernacula regni Svethici sedit, (a) atque ob potentiam & eximiam prudentiam sua ætate admodum celebris fuerit. Hoc Rege, *STURLOGUS*, fortissimus Heros, bellum intulit Bjarmiis, tantoque successu prælium cum illis commisit, ut exercitum ipsorum prostraverit, Regemque Røndolfum interfecerit. His factis, in Hunnorum regionem profectus, pari felicitate Regem ipsorum, Hundolfum dictum, superavit (b). Deinde victrices copias in Holmgardiæ interiora deduxit, & in Regem Yngvarum, Aldejoburgi sedentem, impetum fecit, quem post triduam, eandemque gravissimam, pugnam superatum occidit (c). Post hæc Yngvari filiam, *INGEBORGEM*, Principem venustissimam, *FRADMARO* (d), fidissimo comiti, in matrimonium collocavit, ipsique integrum soceri regnum restituit. Fradmarus autem imperio admotus, non tam de eodem amplificando, quam potius de eo post tot calamitates rite constituendo fuit sollicitus; quem in finem prudentissimos per totum regnum viros convocavit, sicque concilium Aldejoburgi instituit (e). Circa hoc fere tempus floruit etiam *BIARTMARS*, Comes Aldejoburgensis, qui tanta gaviscus fuit potentia & auctoritate, ut nihil ipsi præter

præter regium nomen defuisse videatur. Filia illi, eaque suboles unica, nomine *SVAFIA* fuit, virgo speciosæ admodum formæ & magni simul animi. Hanc in matrimonium obtinuit *ANGANTHUS*, Andgrimi supra memorati major natu filius, qui ex ipsa suscepit inclytam illam viraginem *HERVORAM*, quam ob intrepida & plane mascula facta magnopere extollunt vetusta monumenta (f).

(a) Quin. Yngvarus hic æqualis fuerit Sturlogo, nemo sobrius dubitat. Sturlogum autem fuisse Svethiæ Regis, *Yngve Freji* dicti, qui Othini II. nepos erat, Marchionem ex *Historia Sturlogi* dilucide ostendi potest; unde porro ætas Yngvari nostri facile colligitur. Consule tamen de eadem *BJOERNERI libr. de Gorbunheimia p. m. 79.* (b) Vid. *Sturlogi. Histor. p. m. 55 & 56.* atque *TORFÆI Histor. Norveg. p. 1. p. m. 202.* (c) Vid. *Sturlogi Histor. p. m. 72.* (d) Ab hac *Fradmario* distingvendus omnino est pirata quidam ejusdem nominis, qui cum Catillo Hængo grave habuit certamen, a quo autem tandem interfectus fuit, vid. *TORFÆI libr. cit. p. m. 321 & 322.* Hujus enim Fradmari ætas incidit in seculum VII. (e) Confr. *Sturl. Histor. p. m. 74.* (f) Vid. *Hervar. Histor. p. m. 66 & seqq.*

### §. XXXVII.

Ex dilectissima conjugē multos & inclytos filios suscepisse dicitur Fradmarus (a). Quamvis vero nec nomina, nedum res gestas horum expiscari potuerimus; a veri tamen specie non abhorret, ipsos minus fidam cum Svecis coluisse amicitiam; quod ex bellis, sub horum imperio inter utramque gentem gestis, facile colligi potest. Vin-



dictam autem calamitatum, quas ab Holmgardis iterum iterumque passi fuerunt, aliquamdiu distulerunt Sveci, finitimarum scilicet gentium incursionibus quotannis fere districti; eandem vero prorsus omittere non permisit genius istorum temporum, quibus bella a parentibus cœpta filii non degeneres persequi tenebantur. Moti igitur Nostri memoria tam dictarum vexationum, quam inprimis suppetiarum, quas Frothoni, Danorum Regi, Gothiam immaniter diripienti, nuper submiserant Holmgardi (b), ductu Principis HALVARDI HOTHENBROTI naves, numerosis copiis instructas, in terras orientales solvunt. Adventantibus occurrunt quidem Holmgardi, sed prælio victi salutem fuga quæsierunt. Deinde Halvardus arma vietricia undique circumtulit, nec prius bellum composuit, quam Fennones, Sembos, Estones, Curlandos, aliosque Gardariciæ populos subactos, consveta tributa sibi pendere coëgisset (c). Enimvero Holmgardi in officio non diu manserunt; sed sequenti tempore, quando Gothiæ Princeps HOTHERUS, vario cum Danis Marte pugnasset, confestim nova moliri cœperunt. At hoc non impune tulerunt: finito enim cum Danis bello & compositis utcunque in Patria rebus, Hotherus contumaces strenue quidem impugnavit; ad postremum autem multis confossus vulneribus, ingentique hostium primariorum jam occisorum cumulo obrutus, fortem exhalavit animam (d). Ut autem ex flamma novæ flammæ continuo nascuntur; ita

ex bellis bella non raro seruntur. Patris igitur cædes filium ac successorem RODERICUM SLINGEBAND in masculam ultionem extemplo incitavit. Primum enim bellum adversus Holmgardos movit ingenuus hic Princeps; quod tanto armorum successu gessit, ut hostes, propter recentem victoriam adhuc triumphantes, superaverit; indeque progressus Curlandos etiam ac Venedos ita domuerit, ut annua ipsi tributa postmodum pependerint (e).

(a) Vid. *Hist. Starlogi* p. m. 75. (b) vid. *LOCCENI Hist. Svecan. libr. 1. p. m. 13.* (c) vid. *MESSENII Scand. Illustr. Tom. 1. p. m. 12. Analeth. Libr. 1. p. m. 28.* nec non *HWITFELDI libr. de Rebus gestis Regum Danorum.* (d) confr. *LOCCENI Libr. cit. p. m. 16.* (e) vid. *MESSENII Libr. cit. p. m. 14.* atque *LOCCENI Hist. p. m. 17.*

### §. XXXVIII.

**H**Actenus vidimus, quid in Holmgardia sub imperio posteriorum Fradmari egerint nostri Principes; postulat itaque instituti ratio, ut ostendamus, Reges Upsalenses hoc tempore haud segniores fuisse in suis juribus vindicandis. Quamvis enim mentionem Regis cujusdam Holmgardici, hoc ævo florentis, nullibi injectam reperiamus; filium tamen narrationis de fatiis Holmgardiæ propterea abrumpere nolumus. Interjecto igitur tempore Svethiæ Rex SVEGDURUS desperans, se magnam Holmgardorum pugnandi ferociam satis posse reprimere, eandem in alias gentes convertere prudenter sategit. Quippe præclaris, ut vide-



tur, MœsoGetharum facinoribus incitatus (a), densam virorum nubem, specie vindicandæ injuriæ Othino II. quondam illatæ, e Patria movit; cum quibus in Holmgardiam delatus, hujus cives in societatem belli, contra populos ad Tanaim habitantes gerendi, facile perduxit (b). Difficile enim non fuit persuadere hanc expeditionem sponte sua desiderantibus. Tam amplis vero adparatibus par successus non respondit: a subdolis enim sociis insidiis circumventus, dum spe maxima amplificandi imperii nitebatur, occubuit. Indignam hanc cædem filius *VANLANDUS* ultus videtur (c). Deinde magna per terras orientales consecuta est malacia. Crescentibus vero interea viribus, crevit etiam bellorum gerendorum cupiditas. Profecto Regis Svecorum, *DYGVI*, pacificum imperium meticulosi animi signum haud ambiguum esse existimarunt Holmgardi; quamobrem & Estones & Carelii, belli metu liberati, consveta ipsi pendere tributa arroganter detrectarunt (d). Filium autem & successorem reliquerat hic Rex, tanto magis a suis metuendum hostibus, quod inde a teneris cum Palladis tum Bellonæ etiam artibus se totum consecrasset. Primo itaque amicum, *Sparf* dictum (e) in Holmgardiam misit, genium horum populorum exploraturum, & si fieri posset, immorigeros ad officium reducturum. Hoc autem a ferocibus Rid-Gothis seu Holmgardis interfecto, Dagus ipse ingenti stipatus exercitu in Gardariciam transiit, multaque cruenta quidem, sed felicia

licia tamen cum hostibus prælia commisit; sicque gravissime in eos animadvertit. Tandem vero rebus fere omnibus ex arbitrio Victoris compositis, a servo quodam *Grami*, qui hujus seditionis fax & tuba fuerat, in pago *Worwa* dicto, ad flumen *Skjotanswad* telo subdole confossus occubuit (f). Hac tamen perfida cæde in pristinam libertatem sese vindicare non potuerunt Holmgardi. Partim enim ut acceptam a parente gloriam tueretur, partim etiam ut pietatem in defunctum ostenderet filius *AGNERIUS* exercitum suum in orientem trajecit, ibique multa cum Fennonibus & Holmgardis habuit prælia, e quibus superior plerumque discessit (g). Magnis his cladibus adfecti & fatigati aliquamdiu quieverunt Holmgardi.

(a) Vid. *VILDI Observ. ad Histor. 3. Puff. p. m. 122.*  
 (b) vid. *HJALMT. & Orvar. ODDI Histor. cit. & PERING-SKJÖLD in libr. Åttart. p. m. 9.* (c) vid. *VILDI libr. citat. p. m. 124.* (d) vid. *DALINI Histor. Svecan. Tom. 1. p. m. 355.* (e) *MESSENIUS libr. cit. p. m. 19.* illum recte vocat *corycaum.* (f) confr. *STURLONIDIS Heimikringl. Tom. 1. p. m. 21.* (g) vid. *STURL. libr. cit. p. m. 22.*

### §. XXXIX.

Nunc autem seriem Regum Holmgardicorum, caligine priorum temporum nimis interruptam, rursus adprehendere & aliquamdiu continuare datur. Hoc igitur ævo, ad quod res Holmgardorum modo perduximus, Gardariciæ præfuit *OLAFUS* seu *OLIMARUS* (a), non minus propter



potentiam, quam res gestas celebris. Hoc ad gubernacula regni sedente, Dani varias expeditiones trans mare Balticum susceperunt; quarum illa, quam *FROTHO III.* gessit, præcipua est censenda. Verum rem ab initio ordiamur. Memoratus Daniæ Rex, missis legatis, in matrimonium petiit *HANUNDAM*, Hunnorum Regis, *HUN* adpellati, filiam; ipsa autem procum hunc, opibus quidem valentem, sed rerum bellicarum gloria minus inclytum, diu averfata fuit. Tandem vero vel philtro vel alio modo arrogans consilium mutavit, atque in nuptias Frothonis, quas ambitiose ipse quæsierat, consensit. Verum fervidus hic amor, quo venustissimam Principem prosequabatur Daniæ Rex, teperescere primum, mox penitus refrigerari coepit. Quamobrem paulo post adulatoribus adfertiens, ipsam repudiatam Rollero, Duci cuidam Norvegiæ non ignobili, in matrimonium collocavit. Hanc contumelium ferre non potuit Hunnorum Princeps; quare, postquam sibi adjunxisset Olimarum, bellum omni nisu in Danos paravit. Tanta autem fuit horum Regum auctoritas, ut pluri mi per orientem Principes copias ipsis auxiliatrices sponte sua ferrent. Primum belli impetum excepit Olimarus; calliditate vero *ERICI*, Ducis Norvegici, qui Frothonis militiam sequebatur, Dani victoriam reportarunt, multique Reges, exceptis Olimaro & Dago, prælio ceciderunt. Tantum exercitus Hunnorum adhuc superfuit, ut si cum his reliquiis Danos fuissent aggressi, facilem re-

portassent

portassent palmam. Dum autem cunctantur, oritur fames, atque ex fame discordia; adeo ut in mutua viscera enses strinxerint diversæ nationes. His turbis quodammodo sedatis, Hunnorum pugnam cum Danis commisit, quam per septem dies continuavit; sed ab hostibus tandem victus & prostratus fuit. Bello confecto, occupatas terras inter captos Principes, qui ipsius partibus se adjunxerant, divisit Frotho. Olimarum itaque in pristinum regnum ea lege restituit, ut annua ipsi penderet tributa. Eodem tempore ac pari conditione *OENEPO* Conogardiam (Kuengardiam), nec non *DAGO* Hæstiam (Estoniam) regendas concessit (a). Ex hac expeditione occasionem sibi sumsisse videntur Holmgardi, in littoribus Danorum frequentia exercendi latrocinia. Inter ceteros, qui per mare Balticum classibus suis vagabantur, illudque infestum reddebant, maxime innotuit *ROTHO*, Archipirata Holmgardicus, qui in Daniam adpellens, multa ibi crudeliter gessit, ingentesque ex hoc regno egit prædas. Hunc Neptunium pugilem, speciosos sibi titulos arrogantem, atque novum sibi imperium in his oris constituentem, aggressus quidem fuit Fioniæ Rex *HANO*, verum gravi admodum clade ab ipso adfectus, tergum vertit & cum reliquiis copiarum domum se contulit. Hactenus Rothoni ex sententia omnia successerant, sed fortunæ facies paulo post mutata fuit. Regulis enim Danorum hoc flagellum vehementer metuentibus, Daniæ Rex *BORCHARUS* (b)

Rotho.



Rothonem prælio superatum interemit quidem; sed & ipse, profundissimis vulneribus acceptis, in eodem campo animam exhalavit (c).

(a) *Chronicon ERICI POMERANI* p. m. 129 Edit. Elzev. hæc habet: *Contra hunc Frothonem venit Rex Hannonum cum aliis 69. Regibus. Et paucis interjectis: Hos omnes occidit Frotho, pugnans cum iis in mari juxta Bleking.* Magnam in his præliis factam fuisse hominum stragem nulli dubitamus, vera tamen longe majorem illam exhibere videntur Danici Scriptores, confr. *SAXON. GRAM. Libr. VI. p. m. 86 & seqq.* nec non *E. PONTOPIDANI libr. de R. G. D. Sc. Tom. III. p. m. 337 -- 346.* (b) Hunc Borchardum Patrem Haraldî Hildetandi fuisse, existimat *SAXO libr. cit. p. m. 128*; cui tamen opinioni nec circumstantiæ Chronologicæ nec Genealogicæ satis favent, ut ex inferius dicendis constabit. (c) Confr. *SAXON. libr. cit. p. m. 134. & 135.*

### §. XL.

**P**ostremis Regis Olmari diebus apte adeo annectitur ætas *HALFDANI*, Regis Holmgardiæ maxime quondam inclyti (a), ut si ex convenientia temporum ad genus concludere liceret, in istam facile inducerer opinionem, hunc illius filium fuisse. Cum enim Regi Upsaliensi *ALARICO*, Agneri filio, æqualis passim memoretur (b); dilucide constat, ætatem ejus in seculum III. fere incidere (c). Filiam habuit *OLOF* vel *ALOF* (d) adpellatam, quam propter ingenuos mores impense dilexit. Principem hanc conjugem sibi expetivit *CATILLUS KREID*, Vestro-Gothorum Regis *GOIHRI-*

CI

**C**i filius major natu, atque *ROLFI*, fortissimi illius Herois, frater; verum propter pusillam staturam confestim repulsam tulit. Gravem hanc contumeliam ulturus Rolfus, classem instruxit, & copiis in Holmgardiam trajectis, adeo fortiter cum Halfdano congressus est, ut hic ingentem acceperit cladem. Sicque vi & armis a debellato Principe extorsit Mavors Gothicus, quod astutia sua & blandimentis impetrare non potuit Catillus. Scilicet post tanta fulmina lectissimam hanc virginem thori sociam obtinuit ambitiosus procus (e). Sed alia etjam illati Holmgardis belli causa fuisse videtur. Paulo enim ante, quam hanc expeditionem susceperant Vestro-Gothi, caterva quædam Holmgardorum ductu & auspicio Reguli cujusdam, *SISARI* (f) dicti, qui Kjenugardiæ præfuit, in ipsam penetraverant Vestro-Gothiam, multaque ibi fortitudinis, plurima atrocitatis suæ reliquerant vestigia (g). Principe autem Kjenugardenfi interfecto a robustissimo pugile Starckothero (h), reliqui ejus comites animum despondentes, gelidas confestim repetiverunt casas. Ut vero majores adhuc pœnas petulantiae suæ luerent Holmgardi, idem Starckotherus, inita cum pirata Bemone societate, Gardariciam invasit, hostes sibi obvios prostravit, atque Regulum Holmgardiæ celebrem, *FLOCCUM*, superavit, magnis que sic onustus manubiis ad classem rediit. Ut hunc hostium impetum retardarent Holmgardi, tribulos quidem vel inusitati acuminis claves per campos sparsisse feruntur; Gothi autem soleis ligneis ex consilio Starckotheri induti, horum aculeorum

D.



leorum vim facile eluserunt (i). Ut vero Starckotherus domum pervenit, populi orientales defectio- nem moliti sunt; quamobrem in Holmgardiam se iterum contulit, atque Curlandos nec non alias bene multas nationes ad officium redire vi & armis com- pulit (k). Interea cognovit, *VISINNUM*, pugilem quendam, magnam in Holmgardia famam ob so- lertiam pugnandi fuisse consecutum, nec non suis flagitiis ingentem omnibus injecisse terrorem. Hunc aggredi nemo fuit ausus, propterea quod magicas artes adeo callere credebatur, ut solo conspectu a- cient optimorum gladiatorum obtunderet. Nihilo ta- men minus Starckotherus rupem vel insulam, *Ana- fiat* nuncupatam, quam sede & mansione comple- xus fuerat Visinnus, petiit, atque gladiatorem hunc, artis suæ beneficio spoliatum, oppressit (l). Nec hoc loco est reticendum, quod in Holmgardia & quidem, ut videtur, in aula vel Olimari vel etiam Halfdani, filium *FRIDLEVUM* educandum reliquerit Daniæ Rex Frotho III; quodque ibi in summa vi- xerit dignitate, cum, defuncto patre, ad habenas re- gni Danici capeßendas fuit evocatus (m). Accidit autem interea, dum hic Fridlevus in Holmgardia commorabatur, ut amitinus ejusdem *HALFDANUS*, E- rici filius, Gothiæ Princeps, continuis Norvegorum incursionibus pæne enervatus, copias auxiliatrices ab Holmgardis peteret, easque sollicitatione & au- ctoritate Fridlevi impetraret; quibus in Norvegiam perductis, atque cum exercitu Gothorum conjun- ctis, Halfdanus insignem reportavit victoriam (n).

Verum

Verum hæc grata rerum facies & inter utramque gentem amicitia paulo post mutata fuit. Bello e- nim inter Svecos & Holmgardos, nescio qua de causa, conflato, Dani occasionem sibi commode ob- latam Regum Svecorum per has oras imperium minuendi haud negligendam censes, ductu & auspicio Regis sui Halfdani, Holmgardis suppetias tulerunt. Postquam autem æquo utcunque Marte aliquamdiu inter se pugnaßent, res tandem a præ- lio ad singulare certamen abiit, adeo ut *HILDIGE- RUS*, modo memorati Halfdani frater, qui castra Regis Svecorum *INGVII*, Agneri filii (o), sequeba- tur, pugiles Holmgardorum ad pugnam provocaret, atque eorum septuaginta omnino solus e medio tolleret. Ad postremum vero cum frater Halfdanus etiam sese ipsi offerret, pietatem fortitudini præferens, pugnam diu detrectavit. Demum aleam certaminis subiit: sed, forte quod pugnam vel prudenter vel acriter satis non cieret, ab Halfdano graviter vulne- ratus occubuit. Quo facto, Rex Daniæ, neglectis palmis, quæ ipsum manere jam videbantur, ad tæ- das instituendas domum se contulit (p); bellumque inter Svecos & Holmgardos ita fuit compositum.

(a) *Se ried Kongr fyrer Gardarike, er Halfdan biet, han var witr Kongr oc winsall.* h. e. eo tempore Gardariciæ præfuit Rex, Halfdanus dictus, qui admodum sapiens & erga omnes facilis erat, vid. *GOTHRICI & Rolf Histor. p. m. 163.* (b) vid. *cit. GOTHRICI & R. Histor. passim.* (c) vid. *VILDI observ. ad H. S. p. m. 146.* (d) *OLOF* vel *ALOF* haud infrequens fuit mulierum in Scandinavia nomen.

D 2

Etenim



Etenim Nericiæ Regis *Olavi SKYGNE* filia *ALOF* dicebatur, vid. *STURLON. Heimskr. Tom. I. p. m. 53.* Eodem quoque nomine insignita fuit Saxonæ Regis *Haki* filia, vid. *PERING-SKJÖLDI Ått. p. m. 67.* (e) vid. cit. *Gothrici & Rolf. Histor. p. m. 162, 163, 165, 198, 204.* (f) Hunc e numero Regularum Holmgardicorum (*Smakongr & Fylkis-kongr*) fuisse jure optimo existimat *O. VERELIUS in Not. ad Gothr. & Rolf. Histor. p. m. 32.* (g) *En Vikar kom opp i Vani, tha kom thar i moti bonom kongr, sá er Sisar hies; han var Austan ur kienugardi ok var Kappi mikell ok basdi lid mikid; h. e.* Quando Vikar ad lacum Vænerum pervenerat, occurrit ipsi Rex, Sisar dictus, e Kiænugardia profectus, vir fortis & multis stipatus copiis, vid. *Gothrici & R. Hist. p. m. 26.* Hunc Vikarum, Norvegiæ regulum, qui spoliatum in Vestro-Gothiam venerat, comitabatur quidem Starekotherus, postea vero ipsum suspendit, vid. *DALINI Hist. Svec. Tom. I. p. m. 360 in not.* (h) Hic pugil magno etiam adjumento fuit *FROTHONI IV.* Daniæ Regi, vid. *PONTOPPIDANI libr. cit. Tom. III. p. m. 346.* (i) vid. *SAXON. GRAM. libr. VI. p. m. 104,* cui addas *BROLINI libr. de Dils Tutelaribus p. m. 32.* (k) confr. *SAXON. libr. cit. p. m. 105.* (l) vid. *PONTOPPIDANI libr. cit. p. m. 347,* aliosque ab ipso nominatos Auctores. (m) Confr. *SAXON. libr. cit. p. m. 95.* (n) Vid. *MESSENI libr. cit. p. m. 16.* (o) vid. *DALINI libr. cit. p. m. 364.* (p) vid. *SAXON. libr. VII. p. m. 135 --- 137; nec non MESSENI libr. cit. p. m. 20 & 21.*

§. XLI.

Post obitum Halfdani invenimus *HROLAUGERUM* ad gubernacula regni Holmgardici sedentem; qui proinde, si quid conjectando adsequar, vel il-

lius

lius fuit filius, vel saltem propinqua cognatione ei junctus. Hic suæ ætatis Principum facile potentissimus erat; quippe & multæ & vastæ ipsi paruerunt regiones (a). In annalibus tamen nostris magis propter liberos, quam res fortiter & feliciter gestas passim celebratur. Tenendum igitur est, quod ex conjuge sua, *HERBORGE*, filium *HERLAUGERUM* nec non filiam *HERGERDEM* suscepit. Illum educandum adoptavit Rid-Gothiæ Princeps *HEIDREKERUS* (b), Regis Glæsisvallensis *HAUFUDI* ex animosa Hervora filius. Post hæc cum in aula Aldejoburgensi forte degeret Heidrekerus, & nescio quo fine, simularet, ingenuum alumnum a se inter venandum esse occisum, Hrolaugerus, qui ipsius crudelitatem sibi probe perspectam habebat, non dubitavit, quin vera narrarentur; quo factum est, ut pristinae inter Reges Holmgardiæ & Rid-Gothiæ inimicitia protinus recruduerint, parumque abfuerit, quin frivolum hoc inventum Heidrekeri capite constitisset. Confestim enim captus, manibus post tergum revinctis, in procera arbore suspensus fuisset, nisi a Rid-Gothicis turmis, oportune admodum accurrentibus, ex præsentissimo hoc periculo servatus esset. Commissum quidem fuit hac occasione breve quoddam certamen inter amborum Principum milites; Holmgardis autem extemplo domum sese conferentibus, Rid-Gothi superiores acie excefferunt. Deinde Heidrekerus, navibus conscensis, littora Gardariciæ latrociniis aliquamdiu reddidit infesta. Procerum tamen conciliatione amicitia inter exacerbatos

D3

Principes



Principes his conditionibus denuo fuit sancita, ut Heidrekerus Holmgardiæ Regis filiam, Hergerdem, thori sociam, & insuper dotis loco partem quandam Venediæ seu Finlandiæ obtineret (c). His parentibus natales suos debet altera HERVORA, quæ in prælio contra Hunnos, dum acerrime pugnavit, telo confossa, virgineam exhalavit animam (d). Qualia Herlaugerus postmodum sit expertus fata, an ad imperium Holmgardicum, Patre defuncto, pervenerit, vel illustribus inclaruerit factis, expiscari non potuimus; cum de his rebus altum sit apud Historicos silentium. Denique notandum est, quod hoc circiter tempore Mæso-Getharum Rex HERMANRICUS, felicibus, ut videtur, priorum Regum Svethicorum in oriente expeditionibus incitatus, plurimis undique collectis copiis, Holmgardicas provincias aggredi & immaniter spoliare cœperit, adeo ut Estones, multique insuper maris Baltici accolæ fasces imperii victorioso, huic Principi submittere fuerint coacti (e).

(a) *Han var thâ rikastur Kongur oc vialendastur*, hoc est, Rex admodum dives fuit, cui multæ terræ fuerunt subjectæ, vid. *Hervar. Histor. Cap. XLII. p. m. 132.* (b) Principem hunc cum Alarico, Svethiæ Rege, male confundunt SAXO & STEPHANUS. (c) vid. *Hervar. Histor. p. m. 132 & seqq.* (d) vid. *cit. Hervar. Histor. Cap. XIX. p. m. 172.* (e) vid. *JORNANDIS libr. de Reb. Get. Cap. 23 & 24.*

## §. XLII.

**S**eculo quinto tot fuerunt gentium arma quaqua-

versum circumferentium partim emigrationes partim etiam expeditiones, ut turbulenta hæcce tempora considerantibus tota ferme Europa in continuo, eodemque maxime æstuante, fervore constituta videatur. Horrendis autem his Bellonæ sævientis motibus ac fragoribus Musas quoque adeo obstupescitas & attonitas deprehendimus, ut sua quasi oblitterata pensa, latebras tantum, quibus tuto delitescerent, circumspexerint. Quamobrem ex ingenti casuum memorabilem, qui hoc seculo contigerunt, copia, vix paucos quosdam ad seros transmiserunt nepotes. Densa hæc ignorantiae caligo, quæ Holmgardicas etiam adflixit regiones, facit, ut statum earundem difficulter detegere queamus. Novimus tamen, quod pars Hunnorum, ad Pōntum Euxinum commorantium, latius latiusque per Europam suam extenderit imperium, atque dum Gothi, Alani, nec non aliæ gentes immanibus inter se committebantur bellis, provincias quasdam Holmgardiæ meridionales occupaverit (a). Inter Reges autem Holmgardiæ, qui hoc seculo floruerunt, solus nobis innotuit VISIMARUS (b). Hoc ad clavum imperii sedente, bellum exortum fuit inter Svethiæ Regem OTHARUM VENDILKRAKI & Daniæ Regulum SIVARDUM (c), ac in eo Holmgardi a partibus Sveonum steterunt. Deinde, cum Dani in prælio succubuissent, Holmgardi Sivardum, in Iutiam profugum, insequuntur, ac post variam belli fortunam ipsum superant. Tum integram Iutiam in suam redigunt potestatem, atque JARMERICUM, Sivardi filium, obsidis loco in Gardariciam



dariciam secum abducunt. Hunc autem Principem pro generis dignitate liberaliter educando atque amplissimis honoribus præficiendo, Visimarum anguem, aut si quid angue pejus detur, in proprio aluit sinu. Magis enim vindicta calamitatum Patriæ illatarum, quam acceptis beneficiis motus, ut adolevit, ipsum Visimarum subdole laceffivit, adeo ut, subditis domicilio flammis, illum omnesque ejus convivæ, epulis & poculis hilarius ac securius, quam par fuit, indulgentes, triste involverit incendio. Nec contentus hanc peregissem ultionem, in imbellem quoque sexum sævire cœpit, Regisque Gardariciæ conjugem jugulandam curavit. Tandem in Jutiam se conferens, non solum Patriam Holmgardorum potentiæ exemit, verum etjam parti Gardariciæ sibi subjectæ gravissima imposuit tributa (d).

(a) His occupatis, Hunnorum & Gepidarum Duces *Huldinus* & *Sarus* Romanis contra *Radagaisum*, Gothorum immanissimum, auxilia tulisse perhibentur, vid. *REUTENFELSI libr. cit. p. m. 32.* (b) Hoc nomen Gothicum est, descendens a *Visir* Præfecto & *Mar* equo; unde *Visimar* denotat Præfectum equitatus. (c) Hunc e familia *Skjoldensi*, ex qua Reges Supremi in Dania olim creabantur, non fuisse, recte observat *TORFÆUS in Ser. Reg. Dan. p. m. 325.* (d) Confr. *MESSENI Scand. Illustr. Tom. 1. p. m. 23, 24, 45 & 46.*

\*\*\*\*\*  
\*\*\*\*\*  
\*\*\*\*\*



u.  
a  
A  
o.  
fi  
o.  
t.  
e-  
m  
H-  
H  
u-  
A-  
o-  
r.  
o-  
ie  
d.  
5.



Suecia  
antiquitates



